

NA MEMORYA DI BOY ECURY

(Dulce et decorum est pro patria mori)

*Hulanda na kadena den man di e opresor
Rumannan ta den pena, ta sufri ku dolor!
T'esey ta kòrdamentu di e pweblo oprimí,
Aki n' tin skapamentu, nos mestér ta skondí.*

*T'esey nos tur a hasi, mayornan byenstimá
Skondí pa e gara nazi, pa bo no ser matá.
Pero mi bon mayornan, debér a mustra nos
Di lubidá dolónan i konfya riba Dyos.*

*Nos hopi a forma un frente pa lucha kontra mal
Ku hechonan balente, ku bahanan fatal.
Pero ki kruél nos swèrtè, ki duru nos trabow
Nos tur a para fwèrtè sin pone arma abow.*

*Ma pa kruél destino, mi a ser trayshoná
I asina na mi tino, lo mi ta fusilá.*

*

*Skopètnan den mi pecho, mi kurason na kas.
Konforme i satisfecho, sin myedo pa demas
Mi a soportá dolónan, i a tene mi honor.
"Na kas di mi mayornan n' tin sityo p'un traydor".*

*Di tempu pasá m'a siña historya
Pero ainda tin gera ta menasá nos
Por ta ku nos hendenan falta memorya
I nan lo ta surdu pa skucha mi bos?*

*Mi bista ta mira un mundu na gera
Di hendenan syego ku interes korumpi.
Pakiko no dera nos spada den tera
I skapa kabes di nos pweblo oprimi?*

*Ta tempu pa hendenan mustra firmesa
Den bringa pa pas, ku amor pa bèrdat.
Pa kaba e lokura i kura e malesa
Di un lucha pèrdí ku ta fwent'i maldat.*

*Sí, kaba pa semper rais di tur gera
Rumannan den mundu, ban sera kabes.
Ku e simianan fresku, di pas na tur tera
Por duna kosecha, di trabow i interes!*

*Tradukshon for di Portuges.
Owtor: Eno Theodoro Wanke,
Santos, Brasil.*